

Op der Maat

(Alfred Wings)

Samsdaachs Morje, ad sick Joare, wid sisch opjemaat.
Bej Wenk on Wear, ben isch jear, samsdaachs op dr
Maat.

Lecker Föisch, lick om Döisch, Schwatzbruut,
Prommetaat.
On nävvenaan, Kies em Waan, samsdaachs op dr Maat.

All die Lüh, sen isch hüü, et wid jemullt, jeschwaad.
Meddendren isch jlöcklich ben, samsdaachs op dr Maat.

Refrain:

**On bes du op en jruusse Landkaat kleen wie Fleejedreck,
wenn isch op dinge Maatplatz stonn, dann höpp mie
Hätz wie jeck.**

**Du, du bes ming Heemetstadt, hee jehüer isch hen,
weil isch genau wie Mamm on Papp, e Stöcksche va
disch ben.**

Vür'm Klümpschenswaan stont Kenge aan, he wid jeah
jewaat.
Fresche Wuesch, jät jäje dr Duesch, samsdaachs op dr
Maat.

Obs, Jemöös, suur on söss, lick vü os parat.
Bloomemeer sörsch vüe Flair, samsdaachs op dr Maat.

Refrain

Alt on jong drient en Rong, et wid dr Jeck jemaat.
Hee freut man sisch op disch on misch, samsdaachs op dr
Maat.

Fiese Möpp

(Alfred Wings)

Beij os hee en de Noberschaft, do wonnt der aale
Schmitz,
lästisch wie enne Wespenschwarm, dä nemp disch en
Besitz,
Dä steht mem Bessem vüe de Düer, on sit der dinge
Kopp,
mullt der disch aan on blööss sisch wie enne bongde
Pauhahn op.

Isch han et schönste Auto, on, kick ens, minge Jaad,
do waasse sällevs de Kiesche, an de Bööm ganz akkurat.
Isch weeß, woröm dr Ölprries steesch, isch kenn de
Politik.

Mäh jot, dat isch he beij disch ben, do hässte wirklich
Jlöck!

Do denk isch für misch stell, wat isch disch saare well:

Refrain:

**Du Knotterbühl, du falsche Kning, du vottverbrangde
Käll, du Tüütenüggel, Oasekopp, met dr Seck-Verzäll.
Du kromme Honk, du jecke Trööt, de bes enne fiese
Möpp. Du Jöischbüül met dat frääsch Jesiet, du häss en
Bomp jeköpp!**

Volle Wartezimmer bem Dokter kenn isch nisch,
isch ben privat versichert, dr Dokter waat op misch.
Wer ke Werk hät, es selvs schold, dat wöar misch nie
passiert,
misch kaste net entlasse, isch ben jo pensioniert.
Do denk isch für misch stell, wat isch disch saare well:

Refrain

Isch han de Strooß hee voll em Bleck, ben Hüter der
Moral,
wer met wem noo heem jeet, dat es misch net ejaal.
Isch hann van allem Ahnung, Räsch, dat hann nur isch.
Häss du en ejen Meinung? Dat akzeptier isch nisch.
Do denk isch für misch stell, wat isch disch saare well:

Refrain

Dr Spöilapp

(Alfred Wings)

Als kleene Jong, do spellend isch em Somme off wie jeck, met nackte Been on bluuße Häng om Schwatze Bersch em Dreck.

On koam isch met e schwatz Jesiet beij os doheem entlang, do nohm misch Mamm mem alde Spöilapp iesch ents en Empfang.

„Wie siss du us? Wo köss du her? Wosst du da beij de Söij? Du häss dr Knös am ganze Monk, komm hee, do help mäh Spöij!“

Do noam die sisch ne allde Lapp on spöijdend do erenn, onn isch hott dann die Soereij tösche Naas on Kenn.

Em Lapp dr Zeejefenge, heng die beij misch am Monk, on met dr wisse Spöij am Lapp jeng die am Monk misch ronk.

„Bliev röisch“, saat Mamm, „dann piddel isch vom Monk dr fiese Knös.“ On isch kot misch net weare, nää, wat woar isch bös!

Met Troone en de Oore un su ne ruude Kopp, woar isch mä am keusche: „Mamm, jetzt hüe doch op!“ Ich woar jo wie jefange, vüer Äkel hot ich Plack: „Mamm, loss misch endlich loofe.“ Dat jing misch op dr Sack!

Menge Jong va sebbe Joar koam jestere no heem, en de Hank e Brütsche met Botte on met Seem. „Mie woare Fußball spelle,“ hät minge Jong jesaat. „Dann hät die Mamm van Florian nauch Brütsche os jemaat.“

E Stöcksche Seem, dat kleavdend dem Jong do op et Kenn. Isch noam misch dann e Taischedooch on jeng dann no em hen.

„Du häss do jet, nu bliev ents stonn, on met e beßche Spöij, dann piddel ich dr Strongs disch aaf, dann sisste us wie nöij.“

Als minge Jong am schreije woar, han isch direck jestopp, fassungslos on leichenblass schöddelnd isch dr Kopp. Isch soo dr Spöij, isch soo dr Jong, isch soo dat Taischedooch, isch soo ming Mamm, soo misch als Kenk, owieh, isch hot jenooch!

Wat han isch off ming Mamm jesaat: „Wenn isch ens Kenge hann, su wie du misch am trecke bes, dat fang isch jaanet an.“

Et es, denk isch, net mäh dr Spöij, et sen noch duusend Saache, die isch genau wie Papp on Mamm beij ming Kenge maache.

Jesonk

(Alfred Wings)

Wenn de net mie 20 bes on liks et morjens en de Kess, dann denk isch off, owieh, owieh, Jong, wat deet da hüh disch wieh. Wenn isch dann onger minger Deck ming Knauche dehn on misch lang streck, dann drien isch misch janz langsam ronk,

Vür`m Speejele köt misch en dr Senn: Et könnt e besje bessere sen. Höhnerooch am lenke Foos, Schwees op de Stier on Bröckelhoos. Send en de Naach ming ganze Zäng em Jlaas omm Stöhlche an de Wäng, on biss die Plack misch an der Monk.

Refrain: Ävve sons, ben isch jesonk! Ävve sons, ben isch jesonk!

Us Naas on Uure waase Hoare, dofür jonnt die omm Kopp verloare. Wenn isch die Ziedong lease well, bruch isch minge decke Brell. Es em Fernseh Fußball draan, fiet mieh Hätz mäh Achterbahn, on drient sisch ronk on ronk on ronk.

Könnst isch ze Foos nom Bäcke loofe, isch nämm der Waan, öm ennzekeofe. Säät minge Schatz em Bett: völl Jröss. Isch bruch disch jetzt, isch hann kaal Föös! Dann don isch su, als schloofend isch, sonns will amäng die jät van misch. Nä, dat wit misch hüh ze bonk.

Bem Kaffe jit et Sahnekooch, e Stöcksche mä, dat es jenooch, sons lick beij misch dr ganze Daach Bleij on lese op dr Maach. Wenn isch jät draach, wenn isch misch böck, dann döet der Röck misch wie verröck, dröm määt ming Frau dr Jaad misch ronk.

Et naats em Bett, su stell , su röisch, dann krisch isch off der Jöisch em Böisch. Lick isch op die wärm Matratz, dann wid sisch wie ne Aap jekratz. Isch piddel misch de Föös eraaf onn don der Zieneknies noch aaf, isch rief on kratz de Huck misch wonk.

Han misch met dr Jupp jetroffe on han bis naats öm 4 jesoffe. Doheem setz isch öm fönnef omm Pott on döij dat Bier on Schnitzel fott, Dann roof ich stolz: „Kommt hee, ihr Jecke, dat es ze schaad füber affzetrecke!“ Dann schrejit ming Frau: „Du stenkiye Honk!“

Ming Frau, die saadendend füe misch: „Wat kas du küüme! Fürchterlich! Jot, dat de Frau on net dr Mann, ad emme Kenge kriije kann. Disch deet dr jannze Daach jät wieh, et jööf at lang keen Mensche mieh!“ „Wat wellst du?“ saach isch. „Halt dr Monk!“

Kick misch aan! Isch ben jesonk! Kick misch aan! Isch ben jesonk!

Naas voll

(Alfred Wings)

Dä Pette woar mäh kot doheem, jetzt es e wedde fott, sons jeht der Auftrach für sing Firma womöschlich noch kapott. Sing Kenge hät dä Pette en die half Stond net jesen, e Küssje an de Hausdüür für sing Frau, dat woar noch dren.

All die Mensche sen am jaare, als jöif et Morje at net mieh, beij de Stress on Oberflächlichkeit don die sisch sälver rischtisch wieh.

Refrain:

*Isch han de Naas voll, isch jlööf, ihr hat se net mieh all,
isch han de Naas voll, ja, sach ents, es dat da normaal?
Isch krisch dr Kotz, wenn isch misch esu die Lüh bekick,
isch hann de Naas voll, es dat dat jrusse Jlöck?*

Köt mieh Mädche va de Schöll met knappe 13 Joar, kenn Zick, öm jätt ze esse, denn eenes, dat es kloar: jät Luff ze schnappe, jit et net, denn met dem Internet, drient die sisch wie ne Hamster ronk, sons verpass et jät.

Wann häs du zeletzt em Jraas jeleeje onn an nüss jedaat? Wann häs du zeletzt e Beld jemoolt on övver disch jelaat?

Refrain

Monndachsmorjens en dr Aldi, do fenk et Drama aan. Stell disch met hen, isch zeech disch, dat doo kenne waade kann. Dr Rentner döit am Krabbeldöisch en schwanger Frau op Sieh, sons krit der Mann dat Radio vam Anjeboot net mieh.

On der Aale säät: „Die ganze Drecksäck denke mäh an sich. Mäh joot, dat isch do angersch ben, denn isch denk mäh an misch!“

Refrain

De Lüh, die fleeje dörch et Leave wie op en Achterbahn, dr beste Job, de schönste Frau on der deckste Waan. Vüüre laache, henge treane, Elleboare russ, wer sprich da hüü va Hetzlichkeit, dat ess dr jröoste Stuss!

Mieh koofe Sache, die me net bruche, va Jäld, dat mier net han, öm Lüh ze imponiere, die me sälves net ligge kann.

Wenn isch ents net mieh ben

(Alfred Wings)

Novemberdaach, su kalt on jriess, dr Rään schläät em Jesiet, nom Friedhoff köt jetzt minge Frönk, hüh es sing letzte Schiet.

Do stonn se all, öm Tschüss ze saare, wat für en lange Reij, met Troone en de Ohre, träck isch am Jraav vorbeij.

Die kahle Bööm am Friedhofsweasch, vam Nevvel janz verhang, Isch loof dodörsch on denk, die Ähs, die kötte misch jetzt fange.

Die Witwe wid vam Sonn jestütz, Pastuur sprich e Jeebet, jlöcklich die, die jlööve könne, dat et wigger jeht.

Refrain:

*Wenn isch ents net mieh ben, wo jeht et dann hen?
Wo jeht et dann hen, wenn isch ents net mieh ben?*

Wat passiert, wenn isch enns aankomm, no ming letzte Fahrt? Wed isch vam leeve Jott bejrööss? Der mit der wisse Bart?

Wo komme Jüdde, Moslems hen, die Hindus, allemale? On wat passiet met all die Lüh, die ken Stüer bezahle?

Es do Plai vüer all die Mensche, die jestorve sen?

Wo komme dann die Krauvüel, Wenkhöng on Betrüjer hen?

Isch wüd su jear dann minge Papp dreij, vier Saachens saare, denn der es hee va os Ead ze fröh do ropp jefahre.

Jlöcklich die, die jlööve könne, datt et wigger jeht, isch setz doheem on denk an misch on an ming Endlichkeit.

Isch föhl misch wie ne kleene Worm, net mieh wie Zieneknies, on hoff, dat dat su rischtisch es, dat met däm Paradies.

Refrain

Heemetleed

(Alfred Wings)

Et Samsdaachs en de Fernsehshow, do koam dr Hauptjewinn. Isch huuedend live om Sender, dat isch Jewinner bin.

Isch höt jetzt decke Hüüser, in Rio on Paris, en Jacht vüer Monte Carlo on Klunker an de Fööss.

Isch saat däm Moderator: „Isch näm dr Pries net aan. Wat soll isch dann in Rio ? Do kennt misch keene Mann. Dat Schönste vüer misch op de Welt, dat, wo mieh Hätz dra henk, dat es mie Städsche an de Eng, mie Städsche an de Eng.“

Refrain:

**Eischwille, ming Heemetstadt, Perlche an de Eng,
enzischartisch, liebenswert, et Hätz voll Sonnescheng.
Wer ents va hee jejange es, der krit va Heimweh Ping,
Eischwille, ming Heemetstadt, Perlche an de Eng,**

Der Bleck von Killewitsche, de Lüh am Blausteinsee,
die staatse Kersch va Peter-Paul, de Törm vam RWE,
Belder va Etajen-Jupp, on Kooch em Café Gier,
met Popcorn en dr Primus, on bej Schnäuz e Bier.

De Trööt van de Euregiobahn, om Kermesplai lick Stöbb,
om Wetterschacht wid sonndachs dr Ball em Tor jeköpp.
Op de Felder siehne Buure Mais on Wees on Knolle,
On bem Zammateo komme Kenge lis sisch holle.

Refrain

Die Rötschner Borsch, der Drimbornshauf, em Stadtwald
decke Eesche, Huus Palant on de Schnellejass, dr Maat,
dat senn os Zeesche.

Em Omerbach bej dressisch Jraad kass du ding Föös
disch kööhle, am Koehlestöck vam Schwatze Bersch, da
kaste Heijmat föhle.

On dann die Minsche enn os Stadt, et Resi, Söff on Jupp,
Jannis, Wilma, Äu on Ruddi, on Mamm höer Eazezupp.
Su jät truffste net in Rio, an keene wisse Strand,
Die Minsche maache us mie Städsche enne Diamant.

Refrain